

保德州志

卷二至卷五

# 保德州志

縣長萬泉馬蕃庶總裁

郡人

張寶樞  
王贊堯

襄助

郡人張念祖經理

郡人王永明校對

## 形勝第二

殷夢高曰國依於民民依於德谿山之險不足恃以爲固也雖然王公設險以守其國狡焉思啓之儔非形格勢禁何以制之是故秦得百二齊得十二遂雄長一時而四戰之地建邦設都智者慮焉保德東有高地堦石梯之巖峻南則王湖濟道諸嶺西則禪師黑石等厓棧理賢陵西廓諸山互相控扼北則長河天塹襟帶環遶是真表裡河山地形四塞天下之雄國也又況前朝所設墩寨星羅碁布壁合珠聯雖復傾頽而基址尙存一修復之即有長山蛇陣首尾擊應之勢是亦所

謂支翰相承維持鞏固者矣若夫勝地名區琳宮梵宇不過山人逸士恣遊觀而供憑弔之所聊誌之以備景物耳保民固圉者豈屑屑於是哉作形勝志

形勢二之一

山川二之二

墩寨二之三

古蹟二之四

名勝二之五

廟社二之六

寺觀二之七

祠宇二之八

往鑑二之九

形勢

北瞰黃河南阻峻嶺

通志云群山圻乎東南大河繞乎西北

襟帶麟府控制夏疆

詳見建置

蒼崖千仞俯黃流山城一望臨紫塞

詳見宣顯志

十里九溝

山谷高深足以設伏

石梯天險

上據峭壁下臨黃河亦一夫當關千人莫踰之險也

楊永芳曰郡踞山顛地勢峭峻入境以來皆陡澗深溝車不能行馬亦難馳誠據險易守之地然昔經變亂則傷殘尤酷焉昔人謂在德不在險州名保德惟顧名思義則生民幸甚苟撫之無其道雖黃河天塹未可遂云天限南北也

山川

蓮花山

在州城南一里

發脉自高地埭五十餘里至下流磧復起至大塢墩分爲五支東一

支爲東廓山至聖母廟臨黃河西一支爲西廓山至下園頭亦臨黃河中一支至小塢墩又分三小支西一支爲山川壇東一支爲演武場中一支蜂腰過脉爲本州城城內又分三小支東一支爲鐵山西一支爲金山中一支爲居民正街至中街又一蜂腰過脉中爲州治西一支爲文廟東一支爲城隍廟形如蓮房故名

鳳凰山

在城內戴家坪一名鉄山

飛龍山

一在州東北十里康家灣一在西南十里

段家溝

觀音峯

在州東北十里出炭

逍遙山

在州東北二十里一名腰庄出鐵器

石梯山

在州東北二十里山上一墩墩下一堡正在石梯中有一夫當關千人莫

踰之勢扼而守之能令北賊不得西下

馬頭山

在州東二十里

鷹窩山 在州東六十里

窩弓山 在州東六十里

毡帽山 在州東六十里 窰圪臺山半有石洞可容百十餘人

獅子山 在州東南二十里下流磧

孤山 在州東南三十里全家坪

郝家嶺 在州東南三十里

劉家山 在州東南五十里

黃龍山 倒座山 俱在州東南六十里

堂子山 在州東南六十里崖半有石洞可避兵

容六人

袁家山 在州東南七十里

赤山 在州東南八十里山多楓木霜後其山盡赤

見通志

土門山 在州東南八十里

賀家山 在州東南九十里

栢山 在州東南一百里

潘家山 在州東南一百里

桑林山 在州東南一百里

蒼水山 在州東南一百二十里  
司鳳州界內出木炭以山中水色元故名

銀爐山 在州南十里井兒窰村

寨山 在州南三十里

羊頭山 在州南四十里

峯子嶺 在州南五十里即小煙墩

石門山 在州南六十里大塔舖

麥子山 在州南七十里石洞可避兵

楊家嶺 在州南九十里

伊山 在州南一百里世傳伊尹曾寓此故名

王家嶺 在州南一百里

木瓜崖 在城西包城後不生

黃金山 在州西南六十里

禪師崖棧 在州西南六十里岩半有石洞可避兵

黑石崖棧 在州西南七十里中有石洞深不可測相傳有人點松燈入二三里許聞水聲恐有龍不敢入洞外山腰石徑上聳蒼崖下臨黃河長二十里道路屈曲行旅前後不相望見昔被河西奸孽駕艇泊藏縛行人而禦其貨明萬曆三十八年知州胡綽設義勇官於林遮峪責之巡緝奸宄遠遁又捐俸募義兵與禪師棧俱闢爲大道出塗者遂衆

神山 在州西南八十里

花花崖 在州西南八十里

野人山 在州西南九十里俗傳野人居此有骸骨長大故名

黨家嶺 在州西南九十里

韓家嶺 在州西南九十里

以上皆山

孫家溝 在城內金山下西角有水洞後包城塞之水壅潰城萬曆間知州胡枏贊水道以通水

草廠溝 在城內鐵山下東角舊無水洞今有水道洩水

苦水溝 在城內西北角文廟下有水洞

黃河 在州北一里許自天橋子入州境西流經城下至韓家川稍折而南至後會村入興縣界在州境內共長一百四十里

西庄溝 在州北三十里

狄家溝 在州北三十里

石梯灘水 在州東北二十里明季種稻萬曆二十六年水衝成河

楊家灘 在州東北二十里石梯山下即石梯灘

臥龍溝 在州東北三十里臥龍石出此

倒廻谷 在州東北三十五里溝上有橋金時郡僧才公募建

天橋峽 在州東北三十五里上闊十二丈五尺中闊七丈下闊八丈五尺共長九

十丈冬月積冰成橋民呼爲天橋

詳見八景

老鴉泉 在州東一里水出石峽

楊家泉 在州東坡下從平地潰湧出煮豆粥不用鹹

東溝水 在州東城下水出岔道村背後至東關入河

康家灘 在州東五里

石坂溝 在州東五里

郭家灘 在州東十里計溝中水可灌地百餘畝萬曆間爲河水衝壞失其利後知

州胡桷查灘未盡沒乃修堰引灌捐俸募工刻期舉行

張家灘水 在州東十里今河沒無存

腰庄水 在州東二十五里由郭家灘入河

蘆子溝水 在州東三十里由張家灘入河

熱窖河溝 在州東十五里出炭

雙井 在州東六十里

朱家川 在州東六十里發源自寧化山南流遶王家塞轉而西至石窰舖過橋頭

村下流磧由花園村入黃河

龍潭 在州東七十里窩弓村

峽查溝 在州東南三十里

濟道溝 在州東南二十里

王湖渠 在州東南三十里

赤泥溝 在州東南五十里

井溝井 有二俱在南門外水從峽出弘治十五年義士翟全王鼎修濬石磬板廂  
州人甚賴之後板朽萬曆間知州胡桷補修如舊

深溝水 在州南三十里由西北流至柴家窰入黃河興縣往來通路最爲崎嶇

四井潭 在州南四十里山下四井其色元有魚人不

敢取

臥龍池 在州南四十里有石窟蛟龍潛焉水色常清雖大雨不爲沙泥所汨

石堂水 在州南四十里由韓家川入河

龍池 在州南五十里石澗中周圍十餘丈人不敢近旁建五龍祠禱雨輒應

鴉前塔溝 在州南五十里

土門溝水 在州南六十里由林遮峪入河

扒樓溝水 在州南八十里由神山入河石燕出此

寺河塔溝 在州南九十里

鳴頭川 即馮家川在州南九十里水由東南流入黃河

號風溝 在州西南六十里內有石竅雖盛暑常有涼風刮出

神池 在州西南八十里

西溝井 在西門外水色常清萬曆中知州胡棟改鑿岩石中官民賴之

西溝水 在州西城下水出峯子嶺由下園頭入河

馬家灘 在州西二里

王家灘 在州西三里

煤灰溝 在州西王家灘

張家谷沱 在州西六里以上萬曆間俱爲河水衝沒今漸復 以上皆水

胡洵陽曰晉中多山蓋重水利云保德瀕河且衆泉爭流乃亢而不下者勢與水違與波俱逝者蕩爲巨浸堤堰莫施桔槔徒巧即好爲民興利亦有肝高長嘆臨流興嗟而已矣民之生也其何賴哉

王端庭曰昔年各灘舊皆引溝水或汲井泉澆灌春秋兩熟菓實菜茹青黃被野一望如繡自河變以後遂成巨浸民之苟全性命者傍谷依岩形容鵠立吁桑田滄海世變江河可勝嘆哉

白君琳曰環保皆山也其在東南者自河曲界高地峻與嵒嵐界嵒嵐山發脉在西南者亦自嵒嵐山來逶迤相屬而隨地異名其實三面皆荒涼土岡而已童無木洞無泉風則沙飛雨則土潰小民耕耘播種戰戰慄慄時恐陷墜生斯土者曾不得享馳驅之樂安步之適焉何侈言名勝哉

### 墩寨

寨九座

陳家寨 在城東十里義合都五甲明季設蓋口炮二位快鎗六杆鉤頭鏡十杆手把鏡一十二杆鐵子一千五百個今俱廢

秦邱寨 在城東二十里宣化坊二甲明季設蓋口炮二位快鎗一十二杆手把鏡

什律典  
一十二杆鉤頭銃八杆鉄子一千五百個今俱廢

花園寨 在城西南二十里靜樂都九甲明季設蓋口炮二位快鎗一十四杆手把銃四杆鉄子一千五百個備用米四石九斗六升煤足用今俱廢

廟溝寨 在城東南五十里義合都十甲明季設蓋口炮一位快鎗一十二杆鉄子一千五百個備用米九石六斗一升煤足用今俱廢

新畦寨 在城東南五十里靜樂都十甲明季設蓋口炮二位手把銃一十二杆快鎗一十五杆鉤頭銃七杆鉄子一千五百個備用米六石五斗八升煤足用今俱廢

剗剗陵寨 在城西南五十里靜樂都十甲明季設蓋口炮二位快鎗千杆鉤頭銃六杆手把銃十杆鉄子一千五百個備用米三石七斗二升煤足用今俱廢  
叢林溝寨 在城東六十里義合都三甲明季設快鎗一十五杆手把銃五杆弓箭十副鉄子一千五百個備用米三石一斗四升煤足用今俱廢

以上煤米俱明萬歷十七年知州王甲設備火器不知設自何時

禪房寨 在城南八十里長樂都一甲

王家寨 在城東南六十里義門都十甲

萬歷四十三年知州胡桄申請修理九寨又請將軍火器械或十年一留銀置備  
或五年一整理俱報可

墩臺

東路

觀音郭墩十里在義合都

鐵匠舖墩

石梯子墩

杜家郭墩

西庄墩

十三

里在義門都

天橋子墩四十里同上

炭水墩五十里在河曲縣界

城角墩在舊州倉後明萬曆間包城廢

東南路

白榆泉墩二十里

栢森墩

密郭墩

岳家梁墩

楊家山墩

西南路

孫家梁墩

河口墩

固城墩十八里

花園子墩二十八里

柴家窰

墩三十八里

鉅頭墩

黃金山墩

四十八里自固城以下五墩俱在靜樂都

神山墩

六十八里

鴉頭川墩

印馬家川一墩在長樂都七十八里

南會墩

裴家口墩

俱接興縣界北會村八十里

以上各墩俱本營設兵守望

胡洵陽曰寨墩之廢修火器煤米之存亡最關鄉民利害有司守土誠宜秋終一督理之惟是設險除器肉食者謀之可耳徒責之無知鄉民將何以應况箕斂以苟目前鄉民常態否則受笞追贖無門控訴矣自非保民者留心料理則墩寨等類皆委官公使奇貨也

## 古蹟

禹蹟 州西北至積石二千五百里南距龍門五百里則禹之經此固無疑也且天橋峽口三石頭白馬崖兩山逼狹水勢阻碍納大河於數丈之石峽不見其溢真踰鑿神功州北二十五里舊有禹廟今河岸有禹餘糧石張茂先博物志云禹治